

People plus

SNP IN KANMI, ZOT RETALYE EK LAROGANS E LENSILT

SNP in kanmi, sirtou Wavel Ramkalawan, la aprezan son parti i retalye ek larogans, lensilt e lensolans.

Kan dimoun lo Facebook ti akiz Wavel an relasyon ek kes son ser ek son frer ki zot ti fer e gannyen kont li, i ti fer Bernard Georges ekrir sa bann dimoun. La Hebdo i dir Prezidan i vol nide me tit son lartik i donn en fo lenpresyon e asasin limaz Prezidan. Vi ki ater kot Lasanble ti glise, zot fer sa vin enportan. Zot merit admet ki zot pa kapab sanpans Prezidan Michel akoz i dil ek zot. La zot pe fer dimoun riy zot avek zot bann largiman anfanten. Tipikman dimoun ki'n kanmi.

Vwala (latab akote) ki zot pe lager, larzan. Zot ki en bann zenn vyeyar ki serten zot pe viv lo ledò sa gouvènmàn ki zot kraze toulezour. Zot ki viv lo lasyer sa pep ki zot ensilt. La aprezan leve al travay akoz nou tou nou parey !

PANSYON BANN ANSYEN MANM LASANBLE SNP

Non	Laz	Total par Mwan
Wavel Ramkalawan	54	SR45,964.50
Bernard Georges	50	SR23,527.56
Nicholas Prea	50	SR20,265.63
Jean-Francois Ferran	55	SR17,664.90
Regina Alcindor	50	SR17,631.09
Anthony Derjacques	53	SR12,924.44
Norbert Loizeau	47	SR9,650.86
Francis Cupidon	59	SR10,044.77
Gerard Julie	52	SR10,044.77
Sandy Arrisol	38	SR9,650.86
Bryan Julie	63	SR9,453.90

KI I RESTE POUR

WAVEL FER ?

KASYET LI.

Eski pa in ariv nou tour pour demann Wavel Ramkalawan pour demisyonnen ? Me demisyonnen koman kwa ? Sa boug pa ni prezidan, ni minis, ni lider lopolizyon ; i napa en stati, ni en lenportans.

I parey sise lo reken, i rod lanbeli pour sis lo son prosen, parey in sis lo lasyer sa pep depi 2011 ek en gro pansyon preski 46 mil roupi. I dwa son lipye ziska son latet ; i dwa son ser ek son frer de porsyon larzan, David Pierre pe pourswiv li, e la ki i pou nepli annan sa reveni preski 46 mil roupi ki pou antre, pou kree en retar dan tou son plan. Ya

bezwen kontinyen rod zerb oswa fer sawa dan sa pikep blan pour mentenir sa gro sato ver, e pey sa bann pa nonmen.

Ramkalawan i telman krwar ki i en gran ferfout, me la in fini fel tou son bann dalon dan SNP aköz in fer zot perdi zot pansyon ki zot ti abitye gannyen tou le mwan. E si nou get byen, sa in kon-

manse depi 2011 ler in fer zot perdi zot plas dan Lasanble letan in fer zot boycott eleksyon e reste andeor Lasanble. Lelep in servi bwat vote pour demann Prezidan Michel ek Parti Lelep tou sa ki zot ti oule, la zot in gannyen. Zot in donn li son donn li, apre Prezidan in donn zot sa ki pour zot.

Wavel pou bezwen al kasyet

li aköz in servi serten zot pour fer vin parey li, arogan e toupe, la in fel. Wavel Ramkalawan set en gro 'failure' ki pe gaspiy letan ek resours Lakour, i ankor pe reve pour vin prezidan. La i pou bezwen tenny son radyo, David Pierre ek LGB in fwet li, e nou bann MNA pa pe pran okenn pitye pour li. Kot i vire, i dan dir.

TI ZOT NIDE ? ME ESKI I ZOT SONA ?

Dezespere, napa nanryen pour dir, SNP pe dir tou sa ki ti dan SONA ti zot nide. Me eski i zot SONA ? Prezidan Michel, ki travay pour lelep, in ekout lelep, e sa ki pankor lir son manifesto, al lir e zot a war ki apard nide lelep, in servi son manifesto pour fer son ladres Leta Lanasyon (SONA).

Prezidan Michel in fer sa ki annan pour fer, SNP pa'n envant 13enm mwan saler, e Wavel ti oule gouvèrman donn pansyon laz 55 an aköz an Mars 2016 i ganny 55 an.

Tanbour kriye pa ariv bomaten, pandan ki SNP i kontinyen fer lenbe-

silite, Gouvernman Parti Lelep i pas alaksyon pour fer sir ki sa ki Prezidan in anonse, i vin en realite.

Lelep, Wavel Ramkalawan konpare ek Prezidan Michel pa montre legzanp, i napa en lespri partaze, i napa konpasyon, i napa lentere pour

personn, i napa imilite, i pran Seselwa pour boufon, e i en boug ki zalou.

Si i annan letan pour anmenn dimoun promnen Anse Marie-Louise, ya ava annan letan pour leve debrouye pour en saler.